



## **Uffici communal Lumnezia / Gemeindeamt Lumnezia**

Canzlia communal / Gemeindekanzlei

7144 Vella

Tel 081 920 60 00

Fax 081 920 60 18

e-mail: [info@lumnezia.ch](mailto:info@lumnezia.ch)

[www.lumnezia.ch](http://www.lumnezia.ch)

---

## **PROTOCOL RADUNONZA COMMUNALA LUMNEZIA 15 DA ZERCLADUR 2018**

---

**2018/02**

15 DA ZERCLADUR 2018  
CANZLIA COMMUNALA LUMNEZIA  
Palius 32D, 7144 Vella

## Giesta da tractandas

|     |  |    |
|-----|--|----|
| 1.  | Avertura ed elecziun dils dumbravuschs.....  | 2  |
| 2.  | Protocol radunonza communal 16 da mars 2018 (2018/01).....   | 2  |
| 3.  | Rapport annual 2017 .....  | 2  |
|     | a. Quen annual 2017 .....  | 2  |
|     | b. Rapport da revisiun dalla cumissiun da gestiun.....   | 3  |
|     | c. Approbar il quen annual 2017 e dar scarica alla suprastanza communal.....   | 3  |
| 4.  | Lescha davart igl uorden public per la vischnaunca Lumnezia .....  | 3  |
| 5.  | Sanazion dalla casa da scola Sutvitg a Vella.....  | 4  |
|     | a. Approbaziun dil project.....  | 4  |
|     | b. Concessiun dil credit da CHF 350'000 per l'emprema etappa 2018 .....  | 5  |
| 6.  | Sistem da separar l'aua piarsa schubra e tschuffa e novs conducts per deviar aua da plievgia egl areal Sut Vitg, Zigliolas e Cresta, a Morissen..... | 5  |
|     | a. Approbaziun dil project.....  | 5  |
|     | b. Concessiun dil credit da CHF 190'000 .....  | 6  |
| 7.  | Vehichel communal pil survetsch tecnic dalla vischnaunca .....   | 6  |
|     | Damonda da credit da CHF 160'000 .....   | 6  |
| 8.  | Remplazzament dalla maschina da pista per far loipas e sendas d'unviern.....   | 7  |
|     | Damonda da credit da CHF 260'000 .....   | 7  |
| 9.  | Rendaquen da projects .....  | 8  |
|     | a. Installaziun da dumbraders d'aua.....   | 8  |
|     | b. Sanar il terren contaminau entuorn il stan da schibas e dil tschaffaballas dall'installaziun da sittar Rofna a Degen – Vella.....                 | 8  |
|     | c. Punt da sugaras per pedunzs sur la Val da Tersnaus sin la reit da viandar a Suraua ...  | 9  |
| 10. | Damondas per il dretg da burgheis dalla vischnaunca Lumnezia.....  | 9  |
|     | a. Anna Barbara Capaul-Stämpfli.....   | 9  |
|     | b. Florentina Shenari.....   | 10 |
|     | c. Sara Ullrich .....  | 10 |
| 11. | Varia.....   | 11 |

Protocol dalla radunanza communal Lumnezia (2018/02)

Datum: Venderdis, ils 15 da zercladur 2018  
 Liug: Halla plurivalenta dalla casa da scola Sutvitg 28E, 7144 Vella  
 Cuoz: 20:00 – 22.00 uras  
 Presents: 54 votantas e votants  
 Parsura: Duri Blumenthal, president communal  
 Actuara: Silvana Caviezel, actuara

## **Tractandas**

### **1. Avertura ed elecziun dils dumbravuschs**

Il president communal Duri Blumenthal arva la radunanza communal fagend beinvegni als presents. El salida il niev elegiu cusseglier guovernativ, Marcus Caduff, il qual vegn beneventaus dils presents cun in applaus.

Duri Blumenthal constatescha, che la radunanza communal ei vegnida convocada ad uras conform allas determinaziuns digl artechel 44 ella constituzion dalla vischernaunca Lumnezia, aschia che la radunanza ei cumpetenta da prender conclus.

La radunanza communal approbescha la giesta da tractandas digl 1. da zercladur 2018 presentada dalla suprastanza communal.

Seschau perstgisar han

- Gioni Capaul, commember da suprastanza
- Clemens Arpagaus
- Anton Derungs
- Gian Derungs

La radunanza elegia dus dumbravuschs:

- Pius Casanova, Lumbrein
- Priscus Capaul, Lumbrein

### **2. Protocol radunanza communal 16 da mars 2018 (2018/01)**

Il protocol dalla davosa radunanza communal dils 16 da mars 2018 ei staus exponius ella canzlia communal e silla pagina d'internet dalla vischernaunca duront 30 gis.

Il president communal Duri Blumenthal constatescha, ch'igl ei buca vegniu inoltrau recuors en scret aschia ch'il protocol dalla davosa radunanza communal dils 16 da mars 2018 (2018/01) vala sco approbaus tenor art. 34 dalla constituzion dalla vischernaunca Lumnezia.

### **3. Rapport annual 2017**

#### **a. Quen annual 2017**

Il president communal Duri Blumenthal presenta il quen annual 2017 che muossa in resultat fetg legreivel. Il quen current siara cun in gudogn da CHF 653'732.67, quei suenter haver fatg amortisaziuns ordinarias da CHF 910'438.00 e supplementaras da 3'009'796.65, ensemes pia CHF 3'920'234.65.

Il grond cashflow da CHF 4'433'267.32 lubeschi da far dapli investiziuns. Sin la giesta dallas top vischernauncas figureschi la Lumnezia cuort suenter grondas vischernauncas sco s. Murezi ni otras.

Igl onn 2017 ein vegnidias fatgas investiziuns extraordinarias cun la surbaghegiada Palius a Vella, che cuntegn la pratica dil miedi e la stizun dil vitg. Talas investiziuns vegnan buca avon mintg'onn.

Prevedidas ein oravontut investiziuns per vias da megliuraziun, aquaducts, sereneras ed auter. Malgrad il bien resultat seigi ei da tener bein en egl las investiziuns.

Il resultat dil quen annual per 2017 se presenta suandontamein:

|  |  | quen 2017           |               | quen 2016           |               |
|--|--|---------------------|---------------|---------------------|---------------|
|  |  | expensas            | entradas      | expensas            | entradas      |
| Quen current                             |  | 16'199'527.71       | 16'853'260.38 | 15'779'453.73       | 16'903'139.76 |
| <b>Resultat quen current</b>             |  | <b>653'732.67</b>   |               | <b>1'123'686.03</b> |               |
| Quen d'investiziun                       |  | 6'402'765.45        | 1'081'678.40  | 3'564'879.15        | 1'080'313.30  |
| <b>Resultat quen d'investiziun</b>       |  | <b>5'321'087.05</b> |               | <b>2'484'565.85</b> |               |
| Surpli d'entradas quen current           |  | 653'732.67          |               | 1'123'686.03        |               |
| Deposizun finanziaziun speciala          |  | 30'284.20           |               | 81'042.70           |               |
| Prelevaziun finanziaziun speciala        |  |                     | 170'984.20    |                     | 91'996.25     |
| Amortisaziuns                            |  | 3'920'234.65        |               | 3'203'933.90        |               |
| <b>Cashflow</b>                          |  | <b>4'433'267.32</b> |               | <b>4'316'666.38</b> |               |
| Resultat quen d'investiziun              |  |                     | 5'321'087.05  |                     | 2'484'565.85  |
| <b>Deficit ni surpli da finanziaziun</b> |  | <b>887'819.73</b>   |               | <b>1'832'100.53</b> |               |

Il president Duri Blumenthal informescha ch'ei seigi schabegiau in sbagli cun stampar il rapport annual 2017. La cefras da persunas da 20-65 onns e da persunas sur 65 onns seigien vegnidas scumbigliadas.

Ein quei connex fa Conradin Caduff, menader dallas scolas Lumnezia, la remarca ch'in sbagli semegliont seigi capitaus cun ils diembers da scolars.

#### b. Rapport da revisiun dalla cumissiun da gestiun

Rino Caviezel, president dalla cumissiun da gestiun declara che la cumissiun da gestiun sco era il post da revisiun, Confidat Treuhand AG, hagien examinau il quen annual 2017 tenor Art. 61 dalla constituziun. El attesta ch'il quen seigi menaus schubramein e conform alla lescha. La cumissiun da gestiun constatescha ch'el futur duessen las expensas da turissem vegnir mussadas ora pli transparentamein.

Rino Caviezel engrazia en num dalla cumissiun da gestiun per la gronda e buna lavour prestada e recamonda d'approbar il quen e dar scarica alla suprastonza communalia sco era a tuts ufficials e funczionalis dalla vischnaunca.

#### c. Approbar il quen annual 2017 e dar scarica alla suprastonza communalia

La radunanza communalia approbescha unanimamein il quen annual 2017 e dat scarica alla suprastonza communalia.

#### 4. Lescha davart igl uorden public per la vischnaunca Lumnezia

La Lescha davart igl uorden public per la vischnaunca Lumnezia era vegnida presentada alla populaziun a caschun dalla sera d'informaziun dils 2 da matg 2018.

Las menziuns ch'eran vegnidas fatgas a caschun da quella presentaziun ein vegnidas integradas el sboz dalla lescha davart igl uorden public per la vischnaunca Lumnezia.

Il president communal Duri Blumenthal repassa ils artechels e declara cuortamein il cuntegn da quels.

En spezial entra il president sin:

- art. 10 al. 2 Per reglar il diever dils parcadis publics relai la -suprastanza communal in'ordinaziun : La suprastanza communal seigi vid elaborar l'ordinaziun numnada egl artechel.
- art. 20 Canera : Il temps da ruaus seigi sappentivamein definius denter las 22.00 e las 05.00 ord il motiv ch'ei sappi vegnir rumiu la neiv igl unviern la damaun baul.
- art. 35 Procedura da multa disciplinara: La vischnaunca ha surdau las controllas ed incumbensas polizialas a persunas ni fatschentas neutralas d'ordeifer. Quei sistem seigi secumprovaus. Ils cedels da multas ein incumbensa dalla polizia. La vischnaunca sa buca prender anavos ina multa.

### Damondas e menziuns

Ciril Collenberg da Lumbrein damonda tgei lescha ch'eri en vigur entochen ussa. Il president communal, Duri Blumenthal declara ch'ei devi aunc buca ina lescha e che la suprastanza communal hagi viu per necessari da ver ina tala lescha sco basa per ordinaziuns. Entochen ussa vegneva decidiu tenor la lescha cantunala, quei che corrispundeva buca adina als usits e basegns locals dalla vischnaunca, aschia ch'ei deva negina basa giuridica.

Christina Fischer da Vella propona da far ina sdrema mellna per pedunzs per traversar la via cantunala naven dalla plaza da giugs a Palius entochen vi tier la casa dil medi e stizun a Vella. Duri Blumenthal declara che la suprastanza seigi gia stada activa. La polizia da traffic hagi denton informau ch'ei stuessi vegnir fatg da mintga vart dalla via in'insla sch'ins vegli far ina sdrema mellna da pendunzs. Plinavon seigi previu da schar dessignar sin via il signet da scola denton las proceduras tier il cantun per quella mesira seigien fetg pretensiucas.

### Conclus

La radunanza communal deliberescha unanimamein la lescha davart igl uorden public per la vischnaunca Lumnezia per mauns dalla votaziun all'urna, che ha liug ils 23 da settember 2018. Abstinenzas vegnan buca constatadas.

## 5. Sanaziun dalla casa da scola Sutvitg a Vella

### a. Approbaziun dil project

#### Presentaziun

La casa da scola ei vegnida inaugurada igl onn 1997 ed ei en funcziun dapi biebein 20 onns. A sias uras era vegniu dau dapli peisa sin estetica che sin funcziunalidad ed aschia basegnan ils stabiliments remeduras da totalmein CHF 1.5 milliuns. Las remeduras ein repartgidias sin etappas ed ils cuosts per las pli urgentas, che ston vegnir fatgas aunc igl onn 2018, muntan a CHF 350'000.

Primus Cavegn, schef dil departament planisaziun dil territori ed immobiglias dalla vischnaunca Lumnezia muossa differentas fotografias che documenteschan il stan actual dalla casa da scola e declara tgei lavurs che ston vegnir exequidas il pli urgentamein.

Per l'etappa da lavur 2018 ein previdas las suantondas lavurs:

|   |     |            |
|---|-----|------------|
| Lavurs preparatorias                            | CHF | 5'000.00   |
| Plantschiu halla plurivalenta                   | CHF | 39'000.00  |
| Sanaziun access/scala principala                | CHF | 22'000.00  |
| Rampa (scola nova-veglia)/plaz avon aula        | CHF | 30'000.00  |
| Plaz da pausa                                   | CHF | 196'000.00 |
| Project – survigilonza                          | CHF | 23'000.00  |
| Lavurs da manteniment tetg plaz (entrada halla) | CHF | 10'000.00  |
| Nunprevediu/resera                              | CHF | 25'000.00  |
| Cuosts total                                    | CHF | 350'000.00 |

## Damondas e discussiun

Rest Martin Caduff da Morissen damonda schebein la suprastanza communalia hagi engaschau in planisader che survigileschi il project. Ins savess ir da quei anora ch'ei seigi a sias uras buca vegniu baghegiau fetg bein sch'igl entir implont seigi gia suenter 20 onns en in stan ch'el stoppi vegnir sanaus. Plinavon damonda el sch'ils architects che vevan giu planisau la scola sappien dalla problematica che semuossa ussa. Sche buc, fussy ei d'informar quels architects che vevan baghegiau tenor criteris d'estetica e buca per il diever da mintga gi. Ils architects vevien schizun giu survegniu in premi. Forsa fussy ei da mirar igl emprem con funcziunals ch'il baghetg ei avon che dar premis.

Il president communal, Duri Blumenthal declara che la suprastanza hagi plitost buca vuliu leventar il veto dils architects che savessien forsa schizun impedir certas lavurs ni insister che quellas vegnien fatgas tenor lur gust.

Las lavurs dil project da sanaziun ein surdadas agl inschignier Clemens Arpagaus da Vella. El ha medemamein survegniu l'incumbensa d'elaborar ina devisaziun per che las directivas seigien claras, tgei lavurs che seigien da far. Quellas lavurs vegnan secretas ora per schar offerir las fatschentas dil contuorn. Ils cuost ein gia avon maun en fuorma d'offerta e buca sin basa da project. Las lavurs fan prescha damai ch'il temps da baghegiar sa cuorer mo duront las vacanzas da scola.

Casper Arpagaus da Tersnaus damonda co ei seigi planisau da far igl access cun sutgas da rodas tochen tier la casa da scola veglia. Quei access ei garantius da davos neu sur il plaz ner sper il perti dalla scola nova.

Rudolf Caduff da Cumbel propona da baghegiar in ascensur che survess per omisdus baghetgs, il vegl ed il niev. Ins savessi colligiar quells dus baghetgs cun ina lautga enstagl da baghegiar dus ascensurs.

Pius Bundi da Cumbel gi ch'el sustegni il votum da Rest Martin Caduff da Morissen. Ei seigi da deplorar fetg che quels baghetgs seigien gia suenter 20 onns en in aschi schliet stan.

## Proposta

La suprastanza propona alla radunanza communalia d'approbar l'emprema etappa dil project, cun las lavurs ch'ein previdas pil 2018 e da conceder in credit da CHF 350'000.

### b. Concessiun dil credit da CHF 350'000 per l'emprema etappa 2018

La radunanza communalia concluda unanimamein e senza cuntervusch d'approbar il project per la sanaziun dalla casa da scola Sutvitg a Vella, etappa 2018 e da conceder il credit da CHF 350'000.

## 6. Sistem da separar l'aua piarsa schubra e tschuffa e novs conducts per deviar aua da plievgia egl areal Sut Vitg, Zigliolas e Cresta, a Morissen

### a. Approbaziun dil project

#### Presentaziun

Las investiziuns che ston vegnir fatgas vid il sistem da separar l'aua piarsa schubra e tschuffa e per novs conducts per deviar aua da plievgia egl areal Sut Vitg, Zigliolas e Cresta a Morissen ein dadas avon tenor il plan general d'allontanament d'aua (PGAA) dil cantun Grischun. Las medemas adattaziuns ston vegnir fatgas en tut ils vischinadis.

Il chef dil departament traffic, ovras publicas, ambient dalla vischerna Lumezia, Daniel Solèr, declara ils cuosts ch'ein preventivai per il sistem egl areal Sut Vitgm, Zigliolas e Cresta a Morissen tenor la suandonta survesta :

|  |     |            |
|--|-----|------------|
| Lavurs d'impressari  | CHF | 152'082.00 |
| Prestaziuns accessorias (perdita dalla racolta, tumbins, etc.) | CHF | 3'000.00   |
| Lubientschas, taxas  | CHF | 2'000.00   |
| Project e survigilonza   | CHF | 9'500.00   |
| Accumpagnament ecologic  | CHF | 2'000.00   |

|                            |     |            |
|----------------------------|-----|------------|
| Nunprevediu, divers ca. 5% | CHF | 8'500.00   |
| Taglia sin plivalur 7.7%   | CHF | 13'635.00  |
| Arundaziun                 | CHF | - 717.00   |
| Cuosts total               | CHF | 190'000.00 |

### Damondas e discussiun

Rest Martin Caduff da Morissen damonda tgei consequenzas che quei project vegni ad haver per las casas dil contuorn. Daniel Solèr declara che quei vegni ad haver neginas consequenzas. Sch'enzatgi vessi aunc buca d'haver separau l'aua stuessi el schar far quei en rama dil project. Dil reminent eri il project gia vegnius instradaus dall' anteriura vischnaunca Morissen.

Ueli Caduff da Morissen damonda sch'ei seigi previu dad ir cun ina lingia tras siu curtgin. Daniel Solèr declara ch'il plan muossi las lingias ch'ein gia avon maun. Ils convischins pertuccai vegnien informai dils detaglis.

Pius Casanova da Lumbrein fa la remarca ch'ei seigi vegniu tralaschau en tut ils vischinadis dalla vischnaunca Lumnezia da separar las auas ed aschia stoppi quei ussa vegnir priu suenter.

### Proposta

La suprastanza communal propona d'approbar il project sco presentaus e da conceder in credit da CHF 190'000.

#### b. Concessiun dil credit da CHF 190'000

La radunanza communal concluda unanimamein e senza uncontravusch d'approbar il project dil sistem da separar l'aua piarsa schubra e tschuffa e per novs conducts per deviar aua da plievgia egl areal Sut Vitg, Zigliolas e Cresta a Morissen e da conceder il credit da CHF 190'000.

## 7. Vehichel communal pil survetsch tecnic dalla vischnaunca

### Damonda da credit da CHF 160'000

#### Situaziun iniziala

Il tractur Lamborghini che vegn duvraus actualmein dil survetsch tecnic ei staus en funcziun entochen oz ca. 4'400 uras. Il vehichel ha entschiet e piarder ieli e caschuna adina puspei cuosts da reparatura. Perquei duei el vegnir brattaus cun in tractur Lintrac 90 cun taglia-neiv Kalbacher

Mario Alig, menader dil survetsch tecnic dalla vischnaunca Lumnezia, informescha ch'ils luvrers da vischnaunca hagien giu caschun d'empruar ora in vehichel d'occasiun ed el seigi perschuadius ch'ei seigi in bien vehichel. Il menaschi tecnic fussi fetg engrazieivels da survegnir quella maschina.

Ei setracta dad in vehichel Lintrac 90 cun taglia-neiv Kalbacher ch'ei en funcziun dapi 90 uras. Vitier in criez da neiv Hauer ed ina pala da luvrar Göweli. Il tractur Lamborghini vegnessi brataus en.

### Damondas e discussiun

Curdin Derungs, meinafatschenta dall'interpresa da baghegiar Savoldelli Tanno SA da Vella, supplichescha la suprastanza communal Lumnezia da sclarir el futur tgei fatschentas ella vallada che vessien eventualmein gia maschinas avon maun avon che far evaluaziuns per maschinas novas. Ei sappi buc esser che la vischnaunca hagi in pli grond parc da maschinas che las fatschentas.

Il president communal, Duri Blumenthal constatescha che la vischnaunca Lumnezia surdetti bia lavurs allas fatschentas indigenas e ch'ella drovi in vast equipadi per mantener ils 250 km vias che sesanflan sin territori communal. La suprastanza pren enconuschiantscha il votum.

## Proposta

La suprastanza communalala propona da conceder in credit da CHF 160'000.

## Conclus

La radunanza communalala concluda unanimamein e senza cuntravusch da conceder il credit da CHF 160'000 per cumprar il niev vehichel communal Lintract 90 cun taglia-neiv Kalbacher, crieck da neiv Hauer ed ina pala da luvrar Göweli e da brattar en il tractur Lamborghini.

## 8. Remplazzament dalla maschina da pista per far loipas e sendas d'unviern

### Damonda da credit da CHF 260'000

#### Situaziun iniziala

La maschina da pista che vegn duvrada actualmein per far loipas e sendas d'unviern ei empau sils onns ed ei pliras gadas stada defecta. Mario Alig, menader dil survetsch tecnic dalla vischernaunca Lumnezia, era vegnius incumbensaus dalla suprastanza communalala da trer en offertas per ina reparatura dalla maschina sco era per ina maschina nova. La reparatura custass ca. CHF 30'000. Plinavon fuss ei en dus onns da midar las cadeinas (raupas), quei che custass aunc inaga rodund CHF 27'000.

Duas fatschentas dil fatg vevan giu inoltrau offertas, ils detagls dall'offerta pli favoreivla, dalla fatschenta Prinoth (Schweiz) AG, Salgesch:

|                                    |     |            |
|------------------------------------|-----|------------|
| NEW Husky                          | CHF | 280'020.00 |
| Camera                             | CHF | 1'125.00   |
| Restutiziun per la maschina veglia | CHF | 21'540.00  |
| Total (incl. tpv)                  | CHF | 259'605.00 |

#### Damondas e discussiun

Ueli Caduff da Morissen fa la proposta da tuttina salvar la maschina veglia per lavurs pintgas, senza far memia grondas investiziuns las reparaturas vida quella. Sia idea fussi da saver schar ina dallas maschinas sin Parsiras ni sin Sezner per far la loipa da passliung.

Las reparaturas ein necessarias ils proxims dus onns per che la maschina sappi insumma vegnir duvrada. Plinavon ein ils luvrers communals savens occupai cun far ora neiv il medem mument ch'ei fess dad ir a preparar las loipas. Ei vess pia a disposizun memia pauc persunal per ir cun duas maschinas. Unviarns cun avunda neiv vegn la loipa fatga a Degen e mo sch'ei ha pauca neiv vegn fatg loipa sin Parsiras ni schizun si Sezner. Vitier vegn ch'ils viadis cun autos si Sezner e giu da temps cun bia neiv fussen memia prigulus ord vesta dalla suprastanza communalala.

Werner Tanno, emploiau dalla vischernaunca Lumnezia e responsabel per far las lopias da passliung, menziunescha che las lopias seigien adina stadas preparadas sin las 09.00 e sil pli pauc 9 uras suenter ch'ei hagi dau neiv nova.

Norbert Capeder da Vella damonda sch'ei drovi ina maschina aschi gronda. Cun quella sappi la loipa buca vegnir fatga sur la punt da Lumbrein vi.

Ina maschina cun ina ladezia che pudess sur la punt vi füssi per ils ulteriurs tschancuns dalla loipa memia graschla.

Rest Martin Caduff da Morissen damonda schebein las entradas dallas taxas turisticas astgien vegnir duvradas per cumprar la maschina da far lopias e sche gie, con che astgi vegnir duvrau.

La cumpart dallas taxas ch'ein buca preventivads per il marketing da turissem astga vegnir duvrada per la cumpra dalla maschina.

Guido Derungs dad Uors constatescha ch'il persunal responsabel fetschi fetg buna lavour e per saver far buna lavour drovi ei era maschinas che funcziuneschien.

Curdin Derungs da Morissen sostegn la proposta da cumprar la maschina da far lopias sco presentada.

### **Proposta**

La suprastonza communal propona d'approbar il project e conceder in credit da CHF 260'000.

### **Conclus**

La radunanza communal decida unanimamein e senza cuntervusch da conceder il credit da CHF 260'000 per la maschina da far lopias e sendas d'unviern.

## **9. Rendaquen da projects**

### **a. Installaziun da dumbraders d'aua**

#### **Situaziun iniziala**

La radunanza communal Lumnezia dils 14 d'uost 2015 veva concediu in credit da CHF 450'000 per l'installaziun da dumbraders d'aua els vischinadis da Vrin, Lumbrein, Morissen e Cumbel.

Il rendaquin dil project muossa il suandont resultat:

| <b>Installaziun dumbraders novs</b>                    |  |   | <i>excl. TVA</i>  | <i>incl. TVA</i>  |
|--|--|---|-------------------|-------------------|
| Dumbraders   |  | GWF MessSysteme AG, dumbraders e software da leger giu dumbraders d'aua | 195'201.65        | 210'817.75        |
| Montascha  | Lumbrein   | Capaul GmbH, Lumbrein   | 56'020.30         | 60'501.95         |
| Morissen   | Derungs Luregn, Surcasti                             |   | 31'576.00         | 34'102.05         |
| Vrin   | Lechmann Haustechnik GmbH, Vella                     |   | 41'804.80         | 45'149.20         |
| Cumbel   | Oscar Caduff AG, Cumbel                              |   | 32'289.95         | 34'873.15         |
|  | Schleich+Collenberg AG, Glion                        |   | 318.85            | 344.35            |
| Lavurs auxiliaras                                      | Vischernauna Lumnezia, luvrers communals (senza TVA) |   | 63'120.00         | 63'120.00         |
| Ulteriur   | Material ed indemnizaziun                            |   | 325.35            | 351.40            |
| <b>Total cuosts</b>                                    |  |   | <b>420'656.90</b> | <b>449'259.85</b> |
| <b>Total credit radunanza communal dils 14-08-2015</b> |  |   |                   | <b>450'000.00</b> |

#### **Proposta**

La suprastonza communal propona d'approbar il rendaquin per l'installaziun da dumbraders d'aua cun cuosts totals da CHF 449'259.85.

#### **Conclus**

La radunanza communal concluda cun gronda majoritad e senza cuntervusch d'approbar il rendaquin per l'installaziun da dumbraders d'aua els vischinadis da Vrin, Lumbrein, Morissen e Cumbel cun cuosts totals da CHF 449'259.85.

### **b. Sanar il terren contaminau entuorn il stan da schibas e dil tschaffaballas dall'installaziun da sittar Rofna a Degen – Vella**

#### **Situaziun iniziala**

La radunanza communal dils 23 da zercladur 2017 veva approbau il credit da CHF 220'000 per la sanaziun dil terren contaminau entuorn il stan da schibas e dil tschaffaballas dall'installaziun da sittar Rofna a Degen – Vella

Ils cuosts effectivs survargan il cuosts preventivai per CHF 3'467.95. Quels cuosts seresultan dil fatg ch'ins ha buca saviu gir ordavon sin tgei deponia ch'il terren contaminau stopi vegnir menaus naven.

Ils cuosts en detagi:

|  |     |            |
|--|-----|------------|
| Lubientschas da baghegiar                  | CHF | 1'700.00   |
| Lavurs d'inschignier                       | CHF | 20'026.15  |
| Lavurs da scavament, emplenida e transport | CHF | 200'756.80 |
| Dismessa da material                       | CHF | 985.00     |
| Cuosts totals                              | CHF | 223'467.95 |

### Proposta

La suprastanza communal propona d'approbar il rendaquin per sanar il terren contaminau entuorn il stan da schibas e dil tschaffaballas dall'installaziun da sittar Rofna a Degen – Vella cun CHF 223'467.95.

### Conclus

La radunanza communal concluda unanimamein e senza cuntervusch d'approbar il rendaquin per la sanaziun dil terren contaminau entuorn il stan da schibas e dil tschaffaballas dall'installaziun da sittar Rofna a Degen – Vella cun CHF 223'467.95.

## c. Punt da sugaras per pedunzs sur la Val da Tersnaus sin la reit da viandar a Suraua

### Situaziun iniziala

La radunanza communal dils 9 da zercladur 2016 veva approbau il credit da CHF 200'000 per la construcziun dad ina punt da sugaras per pedunzs sur la Val da Tersnaus sin la reit da viandar a Suraua. Il rendaquin final muossa in total da cuosts da CHF 160'813.10.

### Proposta

La suprastanza communal propona d'approbar il rendaquin per punt da sugaras per pedunzs sur la Val da Tersnaus sin la reit da viandar a Suraua cun CHF 160'813.10.

### Conclus

La radunanza communal concluda unanimamein e senza cuntervusch d'approbar il rendaquin per la punt da sugaras per pedunzs sur la Val da Tersnaus sin la reit da viandar a Suraua cun CHF 160'813.10.

## 10. Damondas per il dretg da burgheis dalla vischnaunca Lumnezia

### a. Anna Barbara Capaul-Stämpfli

#### Situaziun iniziala

Anna Barbara Capaul-Stämpfli ha fatg la damonda per il dretg da burgheis dalla vischnaunca da Lumnezia. Per la naturalisaziun vala la lescha dil dretg da burgheis dil cantun Grischun (LDBCant) dils 31-08-2005, en vigur dapi 01-01-2006. La decisiun della radunanza communal vegn tarmessa ensemencun las actas agl Uffeci da migraziun e da dretg civil dil Grischun che fa sche necessari sclariments supplementars. Igl uffeci prepara la decisiun per mauns dil Departament da giustia, segirezza e sanitad che decida davart la concessiun u davart la refusaziun dil dretg da burgheis cantunal. Il dretg da burgheis cantunal survegn vigur giuridica tras la decisiun positiva dil departament. A medem temps vegn acquistaus il dretg da burgheis communal.

|                              |                                    |
|------------------------------|------------------------------------|
| Anna Barbara Capaul-Stämpfli | Bünishoferstrasse 135, 8706 Meilen |
| Naschida ils                 | 16 da zercladur 1953 a Berna       |
| Numera assicuranza sociala   | 756.3463.6443.01                   |
| Burgheisa da                 | Berna BE e Meilen ZH               |
| Sesenta a                    | 8706 Meilen                        |
| Stadi civil                  | maridada                           |
| Schlattineina                | feminina                           |
| Activitat professiunala      | casarina                           |

## **Conclus**

La radunanza communalha decida unanimamein da garantir ad Anna Barbara Capaul nata Stämpfli il dretg da burgheis dalla vischernaunca Lumnezia e da desister d'ina taxa da naturalisaziun.

### **b. Florentina Shenari**

#### **Situaziun iniziala**

Florentina Shenari ha fatg la damonda per il dretg da burgheis dalla vischernaunca da Lumnezia. Per la naturalisaziun vala la lescha dil dretg da burgheis dil cantun Grischun (LDBCant) dils 31-08-2005, en vigur dapi 01-01-2006. La decisiun dalla radunanza communalha vegn tarmessa ensemencun las actas agl Uffeci da migrazion e da dretg civil dil Grischun che fa sche necessari sclariments supplementars. Igl uffeci prepara la decisiun per mauns dil Departament da giustia, segirezza e sanitad che decida davart la concessiun u davart la refusaziun dil dretg da burgheis cantunal. Il dretg da burgheis cantunal survegn vigur giuridica tras la decisiun positiva dil departament. A medem temps vegn acquistaus il dretg da burgheis communal.

|                            |                                      |
|----------------------------|--------------------------------------|
| Shenari Florentina         | Via Principala 52, 7115 Surcasti     |
| Naschida ils               | 14 da fevrer 1990 a Gjakova (Kosovo) |
| Numera assicuranza sociala | 756.6235.3550.09                     |
| Burgheisa da               | Kosovo                               |
| Sesenta en Lumnezia dapi   | 1. da zercladur 2012                 |
| Stadi civil                | spartgida dapi 24.04.2013            |
| Schlattetina               | feminina                             |
| Activitat professiunala    | Commis de rang                       |

#### **Conclus**

La radunanza communalha decida unanimamein da garantir a Florentina Shenari il dretg da burgheis dalla vischernaunca Lumnezia e da desister d'ina taxa da naturalisaziun.

### **c. Sara Ullrich**

#### **Situaziun iniziala**

Sara Ullrich ha fatg la damonda per il dretg da burgheis dalla vischernaunca da Lumnezia. Per la naturalisaziun vala la lescha dil dretg da burgheis dil cantun Grischun (LDBCant) dils 31-08-2005, en vigur dapi 01-01-2006. La decisiun dalla radunanza communalha vegn tarmessa ensemencun las actas agl Uffeci da migrazion e da dretg civil dil Grischun che fa sche necessari sclariments supplementars. Igl uffeci prepara la decisiun per mauns dil Departament da giustia, segirezza e sanitad che decida davart la concessiun u davart la refusaziun dil dretg da burgheis cantunal. Il dretg da burgheis cantunal survegn vigur giuridica tras la decisiun positiva dil departament. A medem temps vegn acquistaus il dretg da burgheis communal.

|                            |  |
|----------------------------|--|
| Ullrich Sara               | Chigliver 83, 7144 Vella                 |
| Naschida ils               | 24 da zercladur 2004 a Berlin (Germania) |
| Numera assicuranza sociala | 756.7950.2982.82                         |
| Burgheisa da               | Germania                                 |
| Sesenta en Lumnezia dapi   | 1. da fevrer 2007                        |
| Stadi civil                | Iedia                                    |
| Schlattetina               | feminina                                 |
| Activitat professiunala    | scolara                                  |

#### **Conclus**

La radunanza communalha decida unanimamein da garantir a Sara Ullrich il dretg da burgheis dalla vischernaunca Lumnezia e da desister d'ina taxa da naturalisaziun.

## 11. Varia

- 1) L'inauguraziun dalla punt da sugas dalla Greina, che vegn baghegiada ensemencun la vischnaunca da Sumvitg ha liug ils 15 da settember 2018. Il Schweizer Alpenclub (SAC), la Lumnezia Turissem, las duas vischnauncas Sumvitg e Lumnezia separticipeschan als cuosts.
- 2) Il niev-elegiu cusseglier guvernativ, Marcus Caduff, convischin da Morissen, engrazia per il sustegn dalla populaziun Lumneziana per sia elecziun ed era per il beinvegni ch'ei vegnius fatgs ad el ed a sia famiglia la dumengia dall'elecziun.
- 3) Il president communal Duri Blumenthal engrazia als convischins che han priu part dalla radunanza communal per lur preschientscha e buna collaboraziun ed envida da prender part digl aperitiv che vegn purschius suenter la radunanza.

7144 Vella, ils 15 da zercladur 2018

Il president:

L'actuara:

Duri Blumenthal

Silvana Caviezel